

**BOSNA I HERCEGOVINA  
FEDERACIJA BOSNE I HERCEGOVINE  
UNSKO SANSKI KANTON  
OPĆINSKI SUD U BIHAĆU  
Broj: 017-0-Su-23-001595  
Datum: 21.12.2023.godine**

**- ODLUKA O IZBORU NAJPOVOLJNIJEG PONUĐAČA -  
KONKURENTSKI ZAHTJEV ZA DOSTAVU PONUDA**

Na temelju člana 64. stav (1) tačka b, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14 i 59/22), na Preporuku Komisije za javnu nabavku, u postupku javne nabavke roba – kancelarijskih vrata sa montažom, Predsjednik suda donio je:

**ODLUKU  
o izboru najpovoljnijeg ponuđača**

**Član 1.**

Prihvata se Preporuka Komisije za javne nabavke, broj: 017-0-Su-23-001595 od 19.12.2023. godine i Ugovor za javnu nabavku roba - nabavku kancelarijskih vrata sa montažom za potrebe Općinskog suda u Bihaću, dodjeljuje se ponuđaču **Stolarija Kendić d.o.o. Velika Kladuša, ponuda broj: 28-11-03/2023, za ponuđenu cijenu 22.270,00 KM bez PDV-a.**

**Član 2.**

Izabrani ponuđač dužan je u roku od 5 (pet) dana od dana prijema ove odluke dostaviti originale ili ovjerene kopije dokumentacije iz čl. 45. Zakona o javnim nabavkama.

**Član 3.**

Prijedlog ugovora o nabavci roba dostavit će se na potpis izabranom ponuđaču **Stolarija Kendić d.o.o. Velika Kladuša**, po proteku roka za žalbu na ovu odluku, računajući od dana kada isti bude obaviješten o izboru najpovoljnijeg ponuđača.

**Član 4.**

Za izvršenje ove odluke zadužuje se i ovlašćuje odjeljenje sudske uprave Općinskog suda u Bihaću.

## Član 5.

Ova odluka će biti objavljena na web-stranici ovog suda, istovremeno s upućivanjem ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

## Član 6.

Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 017-0-Su-23-001595 od 21.11.2023. godine.

Javna nabavka je provedena putem konkurentskog postupka za dostavu ponuda.

Procijenjena vrijednost javne nabavke kancelarijskih vrata sa montažom je 22.400,00 KM bez PDV-a.

Komisija za javnu nabavku imenovana je Rješenjem broj: 017-0-Su-23-001595 od 21.11.2023. godine.

Dana 21.11.2023. godine Komisija je donijela Poslovnik o radu.

Obavještenje o nabavci objavljeno je na Portalu javnih nabavki dana 21.11.2023. godine, a ispravka obavještenja dana 13.12.2023. godine.

Komisija za javne nabavke dostavila je dana 20.12.2023. godine Zapisnik o pregledu i ocjeni ponuda, broj: 017-0-Su-23-001595 od 19.12.2023. godine, a koji sadrži Preporuku o izboru najpovoljnijeg ponuđača.

Nadalje se konstatuje da su po pozivu za dostavljanje ponuda u ostavljenom roku dostavljene dvije ponude, da je dana 19.12.2023. godine održano javno otvaranje ponuda, sačinjen Zapisnik o otvaranju ponuda te isti, istog dana putem elektronske pošte otpremljen svim ponuđačima.

Dana 19.12.2023. godine sačinjen je Zapisnik o pregledu i ocjeni ponuda u kojem je konstatovano sljedeće:

- da je ukupan broj pristiglih ponuda 2
- da su obje ponude blagovremeno zaprimljene i to:
  - Stolarija Kendić d.o.o. Velika Kladuša
  - D.o.o. „Alivuk & Co“ Bihać
- da je ponuda ponuđača D.o.o. „Alivuk & Co“ Bihać neprihvatljiva iz razloga što navedeni ponuđač nije dostavio sve dokaze tražene Tenderskom dokumentacijom, odnosno dostavio je nepotpune dokaze.

Nadalje, iako je tačkom IV 5. Obavještenja o nabavci, od 21.11.2023. godine, kao i tačkom 2.6.1. Tenderske dokumentacije utvrđeno da će ugovorni organ provesti e-aukciju, ista nije provedena iz razloga što je zaprimljena jedna

ponuda ponuđača koja je prihvatljiva. Naime, odredbom člana 3. stav (3) Pravilnika o uslovima i načinu korišćenja e-aukcije („Službeni glasnik BiH“, br. 66/16) propisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona.

Nadalje, Komisija za javne nabavke je u Zapisniku o pregledu i ocjeni ponuda, broj: 017-0-Su-23-001595 od 19.12.2023. godine, konstatairala da je najpovoljnija ponuda ponuđača Stolarija Kendić d.o.o. Velika Kladaša, te da ispunjava sve uvjete određene Tenderskom dokumentacijom.

U postupku ocjene provedenog postupka, predsjednik suda nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama i tenderskom dokumentacijom.

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.



**Predsjednik suda**  
Aladin Bajrić

#### **POUKA O PRAVNOM LIJEKU:**

Protiv ove odluke može se izjaviti žalba,  
najkasnije u roku od 5 (pet) dana od dana prijema ove odluke.